

minatum mysterium: Ein reines vnd unbeslecktes Geheimnis/
etc. nennen.

Derwegen ja/Meine Seele/ in betrachtung dieses Namens/
dir gebühren wil/das du in Christlicher einfalt/hievon gienbest/ was
die Wort Christi mitbringen / vnd ja dich nicht vnternehmest / mit
deiner Vermunfft / diß hohe unbegreifliche Geheimnis zu ersor-
schen/oder dasselbe nach deinen fünff Sinnen / vnd nach dem Lauff
der Natur/zu regulieren vnd zu richten.

2. Wird diß heilige Abendmal nicht nur ein Sacrament/ son-
dern auch das Sacrament des Altars genennet: Weil es von alters
her / in der Christlichen Kirchen / auff dem Tische ist administriret
vnd verrichtet worden / den man einen Altar genennet: Weil auff
denselben/in der ersten Christlichen Kirchen/die Gaben gelegt wor-
den/so die Christen in ihrer Versammlung zusammen gebracht: Da-
von man auch dasjenige / so man zur verrichtung dieses heiligen
Sacraments gebraucht/ genommen vnd außgesondert hat. Wie
denn auch allbereit zu des alten Lehrers Origenis zeiten / der im
Jahr nach Christi Geburt 230. gelebt/solche heilige Tische/ Altare
seyn genennet worden.

2.
Iustinus
Martyr.
Irenæus.

Origen.
hom. 11. in
Numer.

Ob nun wol hernacher vnter dem Papstthumb / auff solchen
Tischen vnd Altaren / mit dem Meßopffer grosse Abgötteren getrie-
ben ist: Dennoch/weil solcher abgöttischer Mißbrauch/durch Got-
tes Gnade in vnsern Kirchen gar vnd ganz abgeschaffet / vnd unsere
Steinern Tische / so man Altar nennet / von allen Päpstlichen
Greweln gereinigt seyn/ behalten wir dieselben/mit vnverletzten Ge-
wissen/ohne alle ergernis/aus Christlicher freyheit/ Vnd ist derowe-
gen/dieselben einzureißen/abzuthun / vnd andere hölzerne Tische an
deroselben stelle zu setzen / gar vnd ganz nicht nöthig. Denn sonst
müßte man auch ja die Kirchen vnd Gotteshäuser selbs einreißen/
vnd niederwerffen / weil sie auch im Papstthumb gebawet / vnd in
dieses oder jenes heiligen Namen geweiht seyn/etc. Ach den Reinen
ist alles rein. Tit. 1. v. 15. Vnd ist nichts vnrein an ihm selbs/sondern
dem/ der es vnrein achtet. Rom. 14. 20.

Tit. 1.
Rom. 14.

II. Der alte Lehrer Dionysius Areopagita dessen Act. 17.
gedacht wird: Nennet das heilige Abendmal *αὐτῆς*, Collectio-

II.
Dionysius
Areopagita.

SSSS

nem: